



Dato: 30. januar 2019
Kontor: Nordatlantenheden
Sagsbeh: Adam Elias Fischermann
Sagsnr.: 2017-0090-0009
Dok.: 668387

MISSINGIUT

Politiit paasiniaasartui (PET) pillugit inatsisip Kalaallit Nunaanni atuutilersinnissaanik peqqussut

Uagut MARGRETHE AAPPAAT, Guutip saammaassineratigut Danmarkip dronningia, nalunaarpugut:

Politiit paasiniaasartui (PET) pillugit inatsimmi nr. 604, 12. juni 2013-imeersumi § 25¹, aamma pisortat ingerlatsinerat pillugu inatsisip allannortinneranik inatsimmi nr. 1624, 26. december 2013-imeersumi § 5, imm. 2², Politiit paasiniaasartui (PET) pillugit inatsit aamma Illersornissaqarfiup paasiniaasartui (FE) pillugit inatsit (PET-ip suliaani aalajangigassani allaffissornikkullu pissutsinik takunnissinnaatitaanermi kinaassutsip uppersarnissaanut piumasaqartarneq il.il.) aamma Politiit paasiniaasartui (PET) pillugit inatsisip allannortinneranik aamma, Akitsuuserinermut (Politiit paasiniaasartuisa peqqarniisaarniarluni pinerluttoqartillugu timmisartuni ilaasut pillugit paasissutissanik pissarsinnaanerit il.il. aamma akitsuuserinermi il.il. SKAT-ip timmisartuni ilaasut pillugit paasissutissanik suliarinnittarnera) inatsimmi nr. 1881, 29. december 2015-imeersumi § 4, imm. 2³, aamma Politiit paasiniaasartui (PET) pillugit inatsisip allannortinneranik inatsimmi nr. 1727, 27. december 2016-imeersumi § 3³, (Aaqqissuussaasumik pinerluttarnernut sakkortunerpaanut, PET-illu paasissutissanik paaasannaaneranut tunngatillugu PET-ip suliaasaasa allannortinneqarnerat), inatsisip tunngaveqartumik oqartussaasut inunnut paasissutissanik suliarinnittarnerannik inatsisip allannortinneqarnera, mediat paasissutissaateqarfii (databeskyttelseslove-p databeskyttelsesforordning-illu atuutilernerisa kingunerinik allannuutit malitsigisaat kiisalu tusagassiormi akisussaaneq pillugu inatsisip paasissutissaasiviit kikkunnit tamanit atorneqarsinnaasunut il.il. tunngatillugu atuunnera) inatsisillu allat pillugit inatsimmi nr. 503, 23. maj 2018-imeersumi § 33, imm. 2⁵, aamma timmisartunut ilaasunut paasissutissanik katersineq, atuneq toqqortaqarnerlu pillugit inatsimmi (PNR-loven) nr. 1706, 27. december 2018-imeersumi § 36, imm. 1⁶, naapertorlugit aalajangerneqarpoq inatsit Kalaallit Nunaanni atuutilersinneqassasoq imatut oqaasertaqartillugu:

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Kapitali 1

Suliassat

§ 1 Politiit paasiniaasartuisa suliassaraat

- 1) naalagaaffiup namminersorneranut isumannaatsuutinneqarneranullu pinerluttuliornerit aamma naalagaaffiup aqutsivigineqarneranut naalagaaffiup oqartussaassuisut qullerpaartaasunut pinerluttuliornerit, peqqarniisaarniarnerit il.il. pinaveersaartissallugit, misissuiffigeqqissaassallugit akiorniassallugillu, takukkit Kalaallit Nunaanni pinerluttulerineq pillugu inatsimmi kapitalit 7 aamma 8,
- 2) soorasaarutit nalilersornissaat pillugu periaasissuissallutik,
- 3) politiit allat ikiorsertassallugit,
- 4) inatsisinik atuutsitsinermut ministeri ilisimatittassallugu pissutsinik nunap isumannaatsuutinneranut pingaarutilinnik, pissutsinik isertortu-mik paasiniaasartut suliassa iluanni annertuumik pingaarutilinnik aamma suliat ataasiakkaat pingaarutillit pillugit,
- 5) naalagaaffiup isumannaatsuutinneranut oqartussaasuussallutik aamma isumannaatsuunissamik apeqqutit pillugit pisortat oqartussaasuinut inuinnarnullu siunnersuisassallutik ikiorsiisassallutillu, tassani ilanngullugit inuit isumannaatsuutinnissaat pillugu misissuinerni ikiuuttassallutik,
- 6) inuit, kattuffiit suliniaqatigiiffiillu aamma oqartussaasut illersussallugit aamma
- 7) inatsisit atuuttut malillugit suliat paasiniaasartunut suliassiisutaasut allat suliarisassallugit.

Imm. 2. Inatsisinik atuutsitsinermut ministerip aalajangersinnaavaa suliassat allat imm. 1, nr. 1-7-mi taaneqartut, Politiit paasiniaasartuinut suliassatut inississinnaanerat.

§ 2 (Kalaallit Nunaanni atuutilersinneqassanngilaq)

Kapitali 2

Paasissutissanik pissarsiassanngortitsineq

§ 3 Paasissutissat paasiniaasartut suliannut pingaaruteqarsinnaasut pillugit Politiit paasiniaasartui katersisinnaapput pissarsiniarsinnaallutillu.

§ 4 Oqartussat ingerlatsisoqarfii allat Politiit paasiniaasartuisa noqqaaneratigut paasissutissanik paasiniaasartunut ingerlatitseqqiisinnaapput, Kalaallit Nunaanni pinerluttulerinermik inatsimmi kapitalit 7 aamma 8-p unioqqutinneqarnerisigut pinaveersaartitsineq misissueqqissaarinerlu pillugit paasissutissat paasiniaasartut suliassaasa isumaginissaannut pingaaruteqarsorinartutut paasiniaasarfimmit naliliiffigineqarpata.

Kapitali 3

Misissuinerit

§ 5 Politiit paasiniaasartui inunnik taakkulu sinnerlugit inatsisitigut ingerlatsisuusut pillugit misissuilersinnaavoq, Kalaallit Nunaanni pinerluttulerinermik inatsimmi kapitali 7-p 8-llu unioqqutinneqarnerisigut pinaveersaartitsineq misissueqqissaarinerillu pillugit paasiniaasartut suliassaasa isumaginissaannut misissuinissat pingaaruteqarsorinartutut isigineqarpata.

Kapitali 4

Misissueqqissaarineq pinngitsaaliissuteqarnikkullu iliuuseqarnerit

§ 6 Politiit paasiniaasartuisa misissueqqissarinerinut pinngitsaaliissuteqarnikkullu iliuuseqarnerinut il.il. Kalaallit Nunaanni eqqartuussisarnermik inatsimmi malittarisassat atuupput.

Kapitali 5

Paasissutissanik suliarinnittarneq

§ 6 a Paasissutissanik pitsaasumik suliarinnittarneq tunngavigalugu paasissutissat suliarineqartassapput.

Imm. 2. Paasissutissanik suliarinninneq siunertat aalajangersimasut tunngaveqarluartullu malillugit ingerlanneqartassaaq, aammalu kingusinnerusukkat suliarinninneq siunertanut naapertuutissalluni. Oqaluttuarisaanermut, naatsorsueqqissaarnermut ilisimatusarnermulluunniit atatilugu kingusinnerusukkat paasissutissanik katersuiffiusumi suliarinninneq siunertanut naapertuutinningsutut isigineqassanngilaq.

Imm. 3. Paasissutissat suliarineqartut attuunassuteqartariaqarput allanullu tunngasunik ilaartorneqassanatik, siunertanut naammassinninnissamut paasissutissanik katersuiffiusumi, siunertallu kingusinnerusukkat suliarineqarfissaanni.

Imm. 4. Paasissutissanik suliarinnineq ima aaqqissuunneqassaaq, pisariaqarfiisigut paasissutissanik nalunaarsuinermi malinnaatitsinik. Taassuma saniatigut pisariaqartutigut nakkutiginnittoqassaaq, qulakkeerumallugu paasissutissanik eqqunngitsunik suliarinninnginnissaq.

Imm. 5. Paasissutissat suliarineqartut piffissami sivisunerusumi toqqortaatineqassanngillat periarfissiisumik pineqartup kinaassusaata paasineqarnissaanut, siunertamut naapertuuttumik paasissutissat suliarineqarfigisaanni.

Imm. 6. Politiit paasiniaasartuisa (PET) inuit normuinik paasissutissat suliarisinnaavaat kinaassutsimik paasinninnissaq siunertaralugu imaluunniit inuup normuata suliamut normutut atornissaanut.

Imm. 7. Paasissutissat uani inatsimmi pineqartut arkiv lov-imi malit-tarisassat naapertorlugit toqqortaatineqarsinnaapput.

§ 7 Politiit paasiniaasartui inunnet paasissutissat suulluunniit suliarisinnaavaat, suliarinnineq

- 1) akuersititseqqaarnikkut pissappat,
- 2) Kalaallit Nunaanni pinerluttulerinermik inatsimmi kapitalit 7 aamma 8-p unioqqutinneqarnerisigut pinaveersaartitsineq misissueqqissaarnerlu pillugit paasissutissat paasiniaasartut suliaasa isumaginissaannut pingaaruteqarsorinartutut naliliiffigineqarpata imaluunniit
- 3) paasiniaasarfiup suliaasa allat isumaginissaannut pisariaqartinneqarpata.

Imm. 2. Inatsisinik atuutsitsinermut ministeri erseqqinnerusunik malit-tarisassiorsinnaavoq Politiit paasiniaasartuisa inunnet paasissutissanik suliarinnittarnerat pillugu.

§ 8 Politiit paasiniaasartuisa inuit sinnerlugit inatsisitigut ingerlat-sisuusut pillugit paasissutissat suulluunniit suliarisinnaavaat, suliarinnineq,

- 1) akuersititseqqaarnikkut pissappat,
- 2) Kalaallit Nunaanni pinerluttulerinermik inatsimmi kapitalit 7 aamma 8-p unioqqutinneqarnerisigut pinaveersaartitsineq misissueqqissaarnerlu pillugit paasissutissat paasiniaasartut suliaasa isumaginis-saannut pingaaruteqarsorinartutut naliliiffigineqarpata imaluunniit
- 3) paasiniaasarfiup suliaasa allat isumaginissaannut pisariaqartinneqarpata.

Imm. 2. Inatsisinik atuutsitsinermut ministeri erseqqinnerusunik malittari-sassiorsinnaavoq Politiit paasiniaasartuisa inuit sinnerlugit inatsisitigut inger-latsisuusut pillugit paasissutissanik suliarinnittarnerat pillugu.

§ 9 Inatsit malillugu allamik aalajangersaasoqarsimatinnagu imaluunniit inatsit naapertorlugu aalajangersaasoqarsimatillugu ukiut 15 kingulliit iluanni

misissuinermut misissueqqissaarinernulluunniit atatillugu paasis-sutissanik nutaanik pissarsisoqarsimatinnagu inuit taakkualu sinnerlugit inatsisitigut ingerlatsisuusut pillugit paasissutissat pissarsiarineqarsimasut Politiit paasini-aasartuisa piiarsinnaavaat.

Imm. 2. Imm. 1 malillugu paasissutissanik piiaanngitsoortoqarsinnaavoq pisariaqarsorineqarpat Politiit paasini-aasartuisa suliaassaasa isumaginissaannut mianersuutassaartoq, tak. § 1.

§ 9 a Politiit paasini-aasartuisa sulinerminnut atatillugu maluginiarpassuk suliati naqitalluunniit § 7, imm. 1-imi aamma § 8, imm. 1-imi piumasaqaatinut naammassinninngitsuusut, taakkua taava piiarneqassapput, apeqqutaatinnagit § 9-mi piiaanissamut killigititaq imaluunniit § 7, imm. 2, imaluunniit § 8, imm. 2 malillugu piffissat killigititaasutut aalajangiunneqarsimasut. Tamak-kua saniatigut Politiit paasini-aasartui pisussaataannngillat suliame misissor-nissaannut naliliinissaq siunertaralugu, ilumut § 7, imm. 1, aamma § 8 imm. 1 naapertorlugit piumasaqaatit naammassineqarsimanersut.

Imm. 2. §§ 6 a-9-mi aalajangersakkat apeqqutaatinnagit Politiit paasini-aasartui pisussaataannngillat paasissutissanik § 7, imm. 1-imi, aamma § 8 imm. 1-imi, aalajangersakkanut naammassinninngitsunut piiaanissamut, paasissutissat pineqartut naqitani allassimappata il.il. § 7, imm. 1-imi, aamma § 8, imm. 1-imi, piumasaqaatinik naammassinnittut, taamaattoq tak. imm. 3, aamma § 13, imm. 2.

Imm. 3. Inatsisinik atuutsitsinermut ministeri malittarisassanik aalajangersaasinnaavoq, Politiit paasini-aasartui suliame aalajangersimasuni paasissutissanik annertusisamik pii-aassasut, inatsisini aalajangersakkat avaqqullugit.

Kapitali 6

Paasissutissanik ingerlatitseqqittarneq

§ 10 Politiit paasini-aasartui paasissutissanik Illersornissaqarfiup paasini-aasartuinut ingerlatitseqqii-sinnaavoq tamanna paasini-aasarfiup suliaassaasa isumaginissaannut pingaaruteqarsinnaappat.

Imm. 2. Inuit pillugit paasissutissanik naalagaaffiup oqartussaasu-inut, inuinnarnut, nunat allat oqartussaasu-inut aamma nunani tamalaani suliniaqatigiiffinnut ingerlatitseqqittarnermi §§ 6 a aamma 7 malinneqartassapput. Tamatuma saniatigut inuit pillugit paasissutissanut inatsimmi § 8, imm. 2 atorneqartassaaq, inuit pillugit paasissutissanut inatsimmi

§ 7, imm. 1 aamma § 8 imm. 1-imi taaneqartut ingerlatitseqqiineq oqaaseqatigiinni siullerni taaneqartoq inunnut tunngassuteqarpat.

Imm. 3. Inuit allat sinnerlugit inatsisitigut ingerlatsisuusut pillugit paasisutissanik naalagaaffiup oqartussaasuinut, inuinnarnut, nunat allat oqartussaasuinut aamma nunani tamalaani suliniaqatigiiffinnut ingerlatitseqqiisarnermi § 6 a, imm. 1-5 aamma 7, aamma § 8 malinneqartassapput.

Imm. 4. Imm. 2 aamma 3-mi taaneqartut paasisutissanik aatsaat ingerlatitseqqiisoqarsinnaavoq ingerlatitseqqiinnissaq pineqartoq nalileereernikkut isumannaatsutut isigineqarpat.

Kapitali 7

Inatsisit malillugit politikikkut suliaqarneq

§ 11 Nunami najugaqavissup inuup inatsisit malillugit politikikkut suliaqarnera pillugu, paasisutissat taassumunnga tunngasut Politiit paasinaasartuisa imaaliinnarlugit suliarisinnaangilaat.

Imm. 2. Politikikkut inuup suliaqarnera inatsisinik malinninnerunersoq paasiniarlugu Politiit paasinaasartuisa suliaqarsinnaanerannut imm. 1-imi aalajangersagaq aporfiussanngilaq.

Imm. 3. Politikikkut peqatigiiffiit kattuffiillu paasisutissartaannik suliarinninnermi taakkunani aqutsisuusut pillugit paasisutissat ilanngunnissaannut imm. 1-imi aalajangersagaq aporfiussanngilaq.

Kapitali 8

Takunnissinnaatitaanermut malittarisassat il.il.

§ 12 Inuk imaluunniit taanna sinnerlugu inatsisitigut ingerlatsisuusut, pineqartoq pillugu paasisutissanik Politiit paasinaasartuisa suliarissaannik paasitinneqarnissamik piginnaatitaanngilaq imaluunniit pineqartoq pillugu paasisutissanik, paasinaasartut suliarinninnerannik paasitinneqarnissamut piginnaatitaanngilaq.

Imm. 2. Pissutsit immikkut ittut ajornartinnigippassuk imm. 1-imi taaneqartut paasisutissanik Politiit paasinaasartui tamakkiisumik ilaannakortumilluunniit paasisitsinnaapput.

§ 13 Inuup imaluunniit taanna sinnerlugu inatsisitigut ingerlatsisuusut Paasinaasartoqarfinnik Nakkutilliisuutit qinnuigisinnaavai misissoqqullugu, pineqartoq pillugu paasisutissanik pissusissamisuunngitsumik paasinaasarfik

suliaqarnersoq, tak. Politiit paasiniaasartui pillugit danskit inatsisaanni kapitali 9. Taamaattoqannginera Nakkutilliisuutitat qulakkiissavaat kingornalu pineqartoq taamaattoqannginneranik nalunaarfigissallugu.

Imm. 2. Imm. 1 naapertorlugu paasineqarpat Politiit paasiniaasartui paasisutissanik § 7, imm. 1-imut, aamma § 8, imm. 1-imut naapertuutinningsunik suliaqartoq, taava paasisutissat piiarneqassapput § 9 a, imm. 2, apeqquataatinnagu.

Imm. 3. Pissutsit immikkut ittut ajornartinnigippassuk Paasiniaasartoqarfinnik Nakkutilliisuutitat paasiniaasartoqarfik peqqusinnaavaa § 12, imm. 1-imi taaneqartutut paasisutissanik tamakkiisumik ilaannakortumilluunniit paasisitseqqullugu.

Imm. 4. Inuk imm. 1 malillugu nalunaarutisisimasoq nalunaarnerup kinguliup kingorna qaammatit 6-it qaangiunnissaat sioqqullugu nutaamik nalunaarfigineqarnissamik piunasaqarsinnaanngilaq.

§ 14 Politiit paasiniaasartuisa sulinerat pisortat ingerlatsiviini ammasuunissaq pillugu inatsimmi ilaatinneqanngilaq. Taamaattorli pisortat ingerlatsiviinni ammasuunissaq pillugu inatsimmi § 6 atuuppoq. Tamatuma saniatigut pisortat ingerlatsiviini ammasuunissaq pillugu inatsit atuuppoq § 4, imm. 2 ilanngunnagu, aqutsinermi pissutsit pillugit Politiit paasiniaasartuisa suliaanut tunngatillugu. Politiit paasiniaasartuisa sulinerat aammattaaq ingerlatsineq pillugu inatsimmi kapitali 4-6-imi aamma inuit pillugit paasisutissanut inatsimmi ilaatinneqanngilaq, tak. inuit pillugit paasisutissanut inatsimmi § 2, imm. 10.

Imm. 2. Inatsisinik atuutsitsinermut ministerip aalajangersinnaavaa paasiniaasarfiup sulisorisaminut suliai aamma isumannaatsuunissap akuersisutigineqartarneranut suliai pillugit inunnik paasisutissanik Politiit paasiniaasartuisa suliarinnittarnerannut inuit pillugit paasisutissanut inatsimmi kapitalit 8-10 aamma pisortat ingerlatsinerannut inatsimmi kapitalit 4-6 tamakkiisumik ilaannakortumilluunniit atuutsinneqassasut.

§ 15 Paasisutissat nalunaarutiginnissaannut pisussaatitaaneq pillugu inatsimmi il.il. aalajangersakkat Politiit paasiniaasartuisa kukkunersiuinermut peri-aasiinut immikkut ittunut aningaasarsiaritinneqartartut pillugit paasisutissanut atuutinngillat.

Kapitali 9

Paasiniaasartoqarfinnik Nakkutilliisuutitat

§§ 16-17 (Kalaallit Nunaanni atuutilersinneqassanngilaq)

§ 18 Paasiniaasartoqarfinnik Nakkutilliisuutitat naammagittaalliortoqareerneratigut imaluunniit nammineq suliniuteqarnermikkut §§ 3, 4 aamma 6 a-11-mi malittarisassanik taakkulu tunngavigalugit malittarisassianik Politiit paasiniaasartui maleruaanersut nakkutigisassavaat. Aammattaaq suliassat § 13-imi taaneqartut Nakkutilliisuutitat isumagisassavaat.

§ 19 Nakkutilliisuutitat suliainnut ilaatillugu § 18 malillugu Politiit paasiniaasartuinit oqaaseqaammik tunniussaqaqtarsinnaapput.

Imm. 2. Nakkutilliisuutitat pissutsit Inatsisinik atuutsitsinermut ministerimit ilisimasariaqarsorisatik ilisimatitsissutigisassavaat tassunga.

Imm. 3. Nakkutilliisuutitat oqaaseqaatiminni inassutigisaat, pisarneq avaq-qullugu, Politiit paasiniaasartuisa malinniarnagu aalajangerpassuk, tak. imm. 1, taava tamanna paasiniaasartoqarfiup nakkutilliisuutitanut ilisimatitsissutigisavaa, pisariaqanngitsumillu kinguarsarnagu suliaq inatsisinik atuutsitsinermut ministerimit aalajangiiffigisassanngorlugu saqqummiutissallugu.

§ 20 Paasissutissat atortullu suulluunniit paasiniaasartoqarfiup suliaanut pingaarutillit Politiit paasiniaasartuinit pissarsiarissallugit Nakkutilliisuutitat piumasarisinnaavaat.

Imm. 2. Nakkutilliisuutitat ilaasortaasa allattoqarfiullu sukkulluunniit kinnaassutsimik atorsinnaasumik uppersaasiinikkut eqqartuussivik akuersiteqqaarnagu ininut sunulluunniit Politiit paasiniaasartuisa suliaqarfigisaannut aallaavittullu aqutsivigisaannut imaluunniit paasissutissanik suliarineqartussanik pissarsiffigisaannut imaluunniit teknikkikkut atortunik toqqortaqarfigisaannut atugaannullu isersinnaatitaapput.

Imm. 3. Pissutsit massakkut inatsisitigullu atuuttut pillugit allakkatigut oqaaseqaateqaqqullugit Nakkutilliisuutitat Politiit paasiniaasartui piumasaqarfigisinnaavaat.

Imm. 4. Suliat suliarineqartut pillugit nassuiaasiornissamut Politiit paasiniaasartuineersumik najuuttoqarnissaa Nakkutilliisuutitat piumasarisinnaavaat.

§ 21 Nakkutilliisuutitat sulinerat pisortat ingerlatsiviini ammasuunissaq pillugu inatsimmi ilanngunneqanngilaq. Taamaattorli pisortat ingerlatsineranni ammasuunissaq pillugu inatsimmi § 6 Nakkutilliisuutitanut atuuppoq.

Imm. 2. Nakkutilliisuutitat sulinerat pisortat ingerlatsinerat pillugu inatsimmi kapitali 4-6-imi aamma inuit pillugit paasissutissanut inatsimmi ilanngunneqanngilaq.

§ 22 (Kalaallit Nunaanni atuutilersinneqassanngilaq)

Kapitali 10

Atuutilersitsinermut ikaarsaariarnermullu aalajangersakkat

§ 23 Inatsit atuutilerpoq ulloq [...].

Imm. 2. (Kalaallit Nunaanni atuutilersinneqassanngilaq)

Imm. 3. Allagaatinik paasitinneqarnissamik qinnuteqaatit, inatsisip atuutilinnginnerani tunniunneqartut, malittarisassat maannamut atuuttut malillugit aalajangiiffigineqassapput.

Imm. 4. (Kalaallit Nunaanni atuutilersinneqassanngilaq)

§ 24 (Kalaallit Nunaanni atuutilersinneqassanngilaq)

§ 25 Naalakkiutit inatsit malillugu atuutilersinneqartut Kalaallit Nunaannut atuutinngillat.

¹Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunnigip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq, allannguutit Savalimmiuni Kalaallillu Nunaanni pissutsinut naapertuuttut allannguutigitillugit."

²Aalajangersagaq imatut oqaasertaqarpoq: "§§ 2 aamma 3 Savalimmiunut aamma Kalaallit Nunaannut atuutinngilaq, kisianni kunnigip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq, allannguutit Savalimmiuni Kalaallillu Nunaanni pissutsinut naapertuuttut allannguutigitillugit."

³Aalajangersagaq imatut oqaasertaqarpoq: "§ 1 kunnigip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq, allannguutit Savalimmiuni Kalaallillu Nunaanni pissutsinut naapertuuttut allannguutigitillugit."

⁴Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunnigip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq, allannguutit Savalimmiuni Kalaallillu Nunaanni pissutsinut naapertuuttut allannguutigitillugit."

⁵Aalajangersagaq imatut oqaasertaqarpoq: "Inatsimmi §§ 1, 4-25 aamma 29 Kalaallit Nunaannut atuutinngillat, kisianni inatsimmi §§ 1, 4, 8, 14, 17, 18, 24 aamma 25 kunnigip peqqussutaatigut tamakkiisumik ilaannakortumilluunniit Kalaallit Nunaannut atuutilersinneqarsinnaapput, allannguutit Kalaallit Nunaanni pissutsinut naapertuuttut allannguutigitillugit."

⁶Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunnigip peqqussutaatigut tamakkiisumik ilaannakor-

tumilluunniit Savalimmiunut aamma Kalaallit Nunaannut atuutilersinneqarsinnaavoq, allannguutit Savalimmiuni Kalaallillu Nunaanni pissutsinut naapertuuttut allannguutigigit, taamaattoq tak. imm. 2."